

Atopados ²

A fosa 1 de San Xián

Investigación histórica

O Sindicato da construción e oficios varios (adherido á UGT) de Gondomar estaba, en 1936, presidido por Joaquín Míguez Ledo, encartado na causa militar 805/36 contra varios veciños de Gondomar, entre eles o alcalde democrático José Pequeño Rodríguez, labrego, de 52 anos, natural de San Pedro da Ramallosa e veciño de Borreiros.

Míguez Ledo, xornaleiro de 29 anos e veciño de Vilaza, foi condenado a morte e fusilado contra a tapia do cemiterio de Pereiró (Vigo) o 24 de outubro de 1936.


Nesta causa tamén foron encartados José Cribeiro González, de 36 anos, mestre de Donas; Manuel Domínguez, de 36 xornaleiro, veciño de O Picoto; Antonio Iglesias, xornaleiro de 18 anos veciño do barrio da Igrexa, en Gondomar; Rogelio Lorenzo González, construtor de 52 anos, natural de Chaín e veciño de Gondomar; Manuel Rodríguez Gómez, 39 anos, albardeiro, natural de Ribadavia e veciño de Gondomar e Feliciano Vargas, de 35 anos, labrego, natural e veciño de Peiteiros (Area).



1



2



3



4

1- Joaquín Míguez Ledo, presidente do Sindicato de Gondomar. Condenado a morte e fusilado en Pereiró o 24 de outubro de 1936. Foto tirada da causa militar 805/36. Arquivo Intermedio da Rexión Militar Noroeste Cuartel "Baluarte". O Ferrol.

2- José Pequeño Rodríguez, Alcalde de Gondomar en xullo de 1936. Tomado de Soliño e outros: *Gondomar. Historia, Arte e Territorio* (1995).

3- Capa da causa militar 718/36. Arquivo Intermedio da Rexión Militar Noroeste. Cuartel "Baluarte". Ferrol.

4- José Cribeiro nos primeiros anos 60. Foto familiar.

Os dirixentes do Sindicato de Gondomar foron encartados na causa 718/36 contra 12 veciños de Gondomar. A directiva do Sindicato estaba formada ademais do presidente por: Marcelino Suárez Iglesias (vicepresidente) de 29 anos, veciño de Gondomar. Marcial Mariño García (secretario), de 17 anos, veciño de Gondomar. Marcial Alonso Álvarez (contador), de 31 anos, veciño de Vilaza. E os vocais: Manuel Franco González (de 26 anos, xornaleiro, de Gondomar), Evaristo González (non encartado) e Manuel Domínguez Sanromán (de 40 anos, canteiro, de Gondomar).

Nesta mesma causa por "Rebelión militar" foron tamén encartados: Ascasio Jorge, de 27 anos, natural de Carvide (Leiría, Portugal) e veciño de Vilaza; José Cavaco Durán, de 26 anos, xornaleiro, de Gondomar; José Pereira Costas, de 17 anos, natural de Braga, canteiro, veciño de Mañufe, tomáronlle declaración o 9 de agosto de 1936; o 19 do mesmo mes apareceu morto nas Roteas (Nigrán); Felipe Méndez Núñez, de 31 anos, armador, veciño de Vilaza; Marcial Alonso, de 18 anos, xornaleiro de Mañufe; Manuel González Pérez de 23 anos, de Couso e Manuel Rodríguez Gómez de 39 anos, natural de Ribadavia e veciño de Gondomar.

ASASINATOS RECOLLIDOS NO REGISTRO CIVIL DE GONDOMAR

Data	Nome	Domicilio	Idade	Profesión	Atopado en	Causa
03/09/36	Delmiro Prado Lago	A Carrasqueira - Coruxo	32	Barbeiro	Pegonegro, Vilaza	Destrución cerebral
14/09/36	Edelmiro García Suárez	Caride -Lavadores	50	Empregado	A Gándara, VINCIOS	Hemorraxia interna por arma de fogo
18/09/36	Arturo Fernández Cabaleiro	Tui	36	?	A Pasaxe, VINCIOS	Hemorraxia e destrución cefálica
24/09/36	Francisco Martínez Díaz	O Calvario, Lavadores	64	Sereno	O Tumbio, VINCIOS	Disparo por arma de fogo
27/09/36	Alejandro Bastos Posada	A Gandara, Beade, Vigo	32	Peón	Os Agunchos, Vilaza	Destrución cerebral por arma de fogo
27/09/36	Descoñecido		32?		VINCIOS	Hemorraxia tórax e cráneo por a. de f. curta
06/10/36	Fernando Costas Iglesias	R/ Romil, Vigo	29	Empregado	Vichicáns, VINCIOS	Feridas por arma de fogo
06/10/36	José Comesaña Pérez	A Garita, Alcabre, Vigo	28	Albanel	A Pasaxe, VINCIOS	Feridas por arma de fogo
06/10/36	Antonio Comesaña Pérez	O Cruceiro, Alcabre, Vigo	32	Empregado	A Pasaxe, VINCIOS	Feridas por arma de fogo
06/10/36	Emilio Giráldez Rodríguez	O Viso, San P. Da Ramallosa, Nigrán	39	Empregado	A Pasaxe, VINCIOS	Feridas por arma de fogo
06/10/36	Emilio Comesaña Sobreira	Alcabre, Vigo	49	Carpinteiro	Vichicáns, VINCIOS	Feridas por arma de fogo
06/10/36	Manuel Enrique Villar Cimadevila	O Pino, Vigo	40	Empregado	Vichicáns, VINCIOS	Feridas por arma de fogo
28/01/37	Jesús Rodríguez García	Taboexa, As Neves	37	?	Vilas, Morgadáns	Fractura craniana por arma de fogo
10/06/37	José María Barreiro Ferreira	Chenlo, O Porriño	46	Labrego	Vilas, Morgadáns	Hemorraxia interna de tórax
14/12/39	Francisco Salgueira Hermida	Sobreira, Valadares, Vigo	38	Labrego	VINCIOS	Hemorraxia cerebral por arma de fogo

Veciños de Gondomar asasinados

19/08/36	José Pereira Costas	Mañufe	17	xornaleiro	As Roteas, Nigrán	
24/10/36	Joaquín Míguez Ledo	Vilaza	29	xornaleiro	Pereiró, Vigo	Fusilado
11/02/37	Abilio Araújo Losada	Chaín	36	xornaleiro	San Xián, O Rosal	Disparos da Garda Civil
11/02/37	Manuel Prudencio del Rosario	Chaín	33	xornaleiro	San Xián, O Rosal	Disparos da Garda Civil
11/02/37	Manuel ou Jesús? O palero de Laureana	Gondomar	?	panadeiro	San Xián, O Rosal	
06/04/37	Manuel Lorenzo Pazos	Gondomar	22	?	Vilasobroso, Mondariz	Feridas producidas por arma de fogo

É posible que tamén fose veciño de Gondomar José Vargas Alonso, asasinado o 6 de abril de 1937 en Vilasobroso, Mondariz.